

夫黃墟綺分丹壑屏列宅壤開圖闔人成世而芒芒禹跡曷
感遐心靡靡周原輒生憑弔豈不以衰區形勝之地往哲游
覽之鄉衿帶相環是為奧域衣裾暫褻即號名阪足以發稽
古之情怡登眺之志哉舊壘未撤猶知白馬之津陳迹可懷
何處奠鳩之樂汲荆州之井瞻企仲宣望江上之墩流連安
石循茲芳躅不其輝歟今乃馳白陘之峻峭度臺渟之絕流
臨子冀之軍屯詢第公之家舍景行高山悠然心目爰考輯
故盛次列名勝作古蹟志一卷而仙釋之居昔賢之墓凡可
以佐幽賞寄慕思者亦咸附焉

沁水亭

河內縣志

古蹟志
卷十八

一

水經沁水注云沁水東逕沁水亭北世謂之小沁城蓋
府志云即今之覆背村在縣西三十里

邴城

古邴國周武王子所封水經注云其水南流逕邴城西故
邴國也城南有邴臺春秋僖公二十四年王將伐鄭富辰
諫曰邴武之穆也京相璠曰今野王西北三十里有故邴
城邴臺是也

邴亭

水經注云邴水東南逕邴亭西京相璠曰又有亭在臺西
南三十里今是亭在邴城東南七八里蓋京氏之謬耳或
更有之余所不詳按此亭今已無考

二石人

水經注云丹水又逕二石人訖而各在一山角倚起望南
為河內北界上黨二郡以之分境

郟城

水經注云城在山際俗謂之期城非也司馬彪郡國志曰
山隅有郟城京相璠曰河內山隅西北六十里有郟城竹
書紀年曰梁惠成王元年趙成侯偃韓懿侯若伐我葵卽
此城也今按郟城卽今之清化鎮唐置太行尋廢宋以後
為清化鎮在縣東北四十里水經注云城在山際則與此
不合矣或昔時郟城高峙其後更有移置歟

苑鄉城

河內縣志

古蹟志
卷十八

二

水經注云丹水又西經苑鄉城北府志云在府城北

成鄉城

水經注云光溝水東南逕成鄉城北舊府志云在府東北
未指其地邑人相傳府北二十里丹水傍大郎寨為苑鄉
府東二十五里沁河南尚香鎮有古城濠卽成鄉城

中都亭

水經注云光溝水又東逕中都亭南魏書地形志云武德
郡有中都城今為內都村在縣東北二十里

州城

春秋本傳隱公十一年王以州與鄭及後晉啟南陽州遂
入晉趙氏郤氏欒氏遞有之昭公三年晉以賜鄭公孫段

七年復歸之晉而韓宣子以易原縣于樂大心其後仍屬公家宋行人樂祁之死晉人止其尸於州是也史記韓宣子晚居此漢時置州縣晉因之北魏于其地置武德郡隋廢郡改縣曰邢邱大業初又改爲安昌唐置北義州于此後復爲武德縣宋熙寧中廢縣爲武德鎮按武德縣置于秦時孟康曰始皇東巡置武德縣自以武德定天下也魏武定七年義橋石象碑曰項羽改名殷國漢高復立爲郡自茲以還爲河內下邑屬皇朝遷開卜食漳濱遂方割四縣在古州城置武德郡讀史方輿紀要云武德鎮在府東南五十里又有武德城在府東據此則武德縣非今之武德鎮鎮卽古州城無疑

河內縣志

古蹟志
卷十八

三

金亭

水經注云白馬湖水東南流逕金亭西分爲二水魏書地形志云武德郡有金城舊府志以金亭卽金城今有東金城在城東四十三里西金城在城東北四十里

射犬聚

後漢書云赤眉衆十餘萬在射犬光武進擊大破之又河內太守張楊爲將楊醜所害眭固殺醜屯射犬水經注云長听溝水東逕射犬城北邑人孫果古射犬聚考云近年金城之東有掘地得後周墓誌一石言西至射犬古城二里則東金城之爲射犬聚也無疑矣其言如此而所謂後周墓誌者近始得之可援以爲據也

付遠城

在城西南三十二里本名絺城左傳王與鄭絺晉語襄王賜文公以州陘絺阻之田卽此也

波城

在縣城南漢置波縣晉廢

沙城

魏書地形志云野王縣有沙城晉書載記云太元八年慕容垂起兵復燕使可足渾譚集兵于河內之沙城

期城

讀史方輿紀要云在府城西三十里故隰城也左傳亦作隰郟隱公十一年王與鄭隰城卽此

河內縣志

古蹟志
卷十八

四

忠義城

在城西南三十里唐初置縣尋廢今爲崇義鎮

紫陵城

在城西北三十里唐初置縣尋廢今爲紫陵村有紫陵澗

碗子城

讀史方輿紀要云在府北五十里太行山畔山勢險峻羊腸所經上有古城元至正十八年汝陰賊大掠山西察罕擊之白河東進屯澤州塞碗子城府志云太行山頂其路羊腸百折中有平地僅廣一畝許唐初築城以控懷慶潞州之衝其城甚小故名

萬善城

唐書云會昌三年劉稹以澤潞叛河陽節度使王茂元以兵守萬善既而劉稹遣將張巨等攻萬善南五里又中和四年李克用出天井關諸葛爽辭以河橋不完屯兵萬善以拒之明為萬善驛今廢

向城

太平寰宇記云在懷之河內西北二十七里

新店

唐武宗討劉稹王茂元屯軍萬善稹牙將劉公直潛師過萬善南五里焚雍店相傳今之新店即雍店因公直焚後更建故名今其地在萬善東南五里

丹谷

河內縣志

古蹟志 卷十八

五

水經注云丹水又東南流注于丹谷北魏莊帝詔源子恭鎮太行丹谷今在縣東北即丹水入境處

丹口

水經注丹水逕苑鄉城南東南流注於沁謂之丹口張炳口詩曰寂寞春山上同人久躋攀雲深千嶂隱風定一遊丹寒撲面林花舞循厓獨鳥盤自憐幽興極欲去屢躊躇

禹王臺

在城上東北隅曹履青登禹王臺詩曰落日高臺上湖光照眼明滌川懷舊德種樹愜幽情螺髻浮山影絃歌雜鳥聲頻來思鼓柁何處擷香薷

郭巨樓

在東城上

孔子廟

在城西北十里義河墮水經注云邪水又東南經孔子廟東廟庭有碑魏太和元年孔靈度等上表修復高允表間立碑於廟治中劉明別駕呂次文主簿向班虎荀靈龜等以宣尼大聖非碑頌所稱宜立記焉云仲尼傷道不行願北從趙鞅聞殺鳴犢遂旋車而返及其後也晉人思之於太行嶺南爲之立廟蓋往時迴轅處也

華嶽廟

水經注曰沁水北有華嶽廟廟側有攢柏數百根對郭臨川負岡蔭渚青青彌望奇可翫也懷州刺史李洪之之所構也

鎮山亭

河內縣志

古蹟志
卷十八

六

中州金石考云鎮山亭在城上金沁南節度使耿光祿建以鎮過太行之寇碑刻尙存

沁園

在城北三十里沁河北岸金時官僚晏游之地相傳有沁園圖石刻今不可攷矣

竹園

府志云在府城北舊崇教鄉宋大中祥符間置

迎風樓

在城北宋王巖叟有千峰南向四時碧一水東流萬古寒之咏

望岳樓

在城內元初建臺高百尺上起飛梯其後有堂曰具瞻
嵩少背太行得郡勝概

懷川閣

在城內舊懷州治宋尹洙建

懷古堂

在城內府志云舊以為唐太守杜正倫建者非也正倫固
未嘗為懷州刺史當是杜僑

牧愛堂

在城內舊節使廳事

天臺

在城東漢光武遣王梁擊赤眉於此

河內縣志

古蹟志 卷十八

會春園

在城東北沁水北岸周顯德中置

竹塢

在城東北明月山之南乾隆庚午秋

聖駕巡幸有

御題竹塢詩

紫金壇

在縣西北行山巔明魏允貞紫金壇詩曰太行絕壁渺仙

金龍石碧玉漿寒陰崖帶雪從杖遠樹含真故倚欄闌
說真源迷咫尺此身猶自繫微官張用達登紫金壇詩

日壁立危峰萬仞孤振衣絕頂不須扶撐空獨卓中天柱
放眼全收蓋地圖紅樹俯看幽壑編蒼松時有冷風俱此
來遊興逍遙甚那信神仙住藐姑曲盤樵徑幾東西石磴
陡登稜稜梯何首塵區疑世遠置身雲路覺天低千重

翠園欄下一泓鐘聲落澗西坐待月明歸去後要乘秋爽
聽天雞高寒氣欲接鴻濛胸次蕭然眼界空一線河流趨
碧海三呼嵩岳倚蒼穹渺茫誰記仙人去呼吸應須帝坐
通遙想下方翹首處此身端在五雲中福地元壇祠宇荒
一池如罨受秋光間雲去作平原雨老樹留經太古霜時
有夢栖來自鶴向誰浩劫問紅羊西峰沐澗原相接流水
猶疑奏八琅

忘歸亭

在沐澗山右奇峯環擁幽翠通天逸士探勝者幾不知有
塵世矣故曰忘歸其址則宋人之所建也

鳴玉亭

在沐澗廟下清泉涓流淙淙如玉葺卉冬碧中環大石橫
鐫鳴玉亭三大篆字相傳為魏夫人書者雖係謬言然亦
必唐人手跡矣其側即鳴玉泉泉左為亭

河內縣志

古蹟志 卷十八

八

明月亭

在沁之南為昔人酬送之所今無攷矣何永慶川月亭記曰環懷之北有沁

水焉直北之要津也性衝激無定南北極目平沙兩岸遠
而南有亭曰川月亭蓋取臨流碧映魄魄搖光之義大夫
之郊行勞問祖帳青驪歌詠迭酬皆斯乎寓故其基棟獨
盛足供翫賞而其堂曰借寇當時子翼君翩翩父老叩蓬
求底者猶可遐思哉堂之後為臺瞰川而起若樓臨沼太
行西來群峰拱秀引手可招浮鷁揚琴泉山皆響晴空入
夜弄影澄波孤村遠照萬籟間寂蓋川月之極觀備矣舍
臺而西虛亭一楹據列樹之中榜曰水壺通津即今太守
所榜也水壺以字月通津以字川而規模潔緻幽蔭繁香
激水東來曲之遶亭入於前池池巧細有橋竦檻可凭荷
芬可嗅雨時滴瀝作琳瑯聲壺榭坐地可十數人雅歌更
唱幽禽窺人忘其為郊野山林矣橋兩旁有二祠東為四
賢祀宋陳氏四中書君西為遺愛祀明太守前勸水朱公
王公官皆有聲前祠之亦借寇之遺也歲月漫多風雨摧
蠹向所侈勝極觀者幾於頽滅而今太守棗強江公來剛
飭而更新之時借其寮登眺舒嘯不佞亦得而寓目焉夫
不佞自歸休雅癖山水乃一至輒嘆以為勝地逢人何

然而人勝於地則名亦因地而勝公知之乎叔子峴山庾樓明月彼豈有意於規規立身後名而名卒歸之者惟其審心民瘼寄情山水有古災祥之察遊豫之觀云自遊豫黜而衡石與服官者率避覽勝之說一切罷謝名園勝槩或從而斥拆之也公既賑窮起廢不憚辛勞而又出其餘以全勝賞使前人有作不至蕩滅名賢神棲賴以光永蓋振刷與崇報兼焉者也他日者數堂於寇心之公數祠於陳於朱者亦必之公卽百年後襄陽淚石武昌炬樓俯有川而仰有月有不可歌延澤而詠清輝哉則信乎亭之勝得公而公之勝得亭矣予不佞竊自附於就勝逸民故紀其勝而銘公之績于石焉公諱學詩號津臺而其寮友則司馬爲鄭諱道與別駕爲孫諱汝正司理爲怡諱倫

含秋亭

在北郭本遊賞之地會祠寇公於其內見石維嶽寇公祠記

石甕

沐澗寺西北有大小石甕形如盞覆瀑飛其下乃歸山之

河內縣志

古蹟志 卷十八

秘境宋宣和時李子才等題名所謂歸白石甕息忘歸亭者是也上有傾珠崖又有勝水泉泉東有和尚洞

仙人洞

沐澗寺西南絕壁上有仙人洞洞口五丈餘洞內大數十丈有元延祐年遊人朱書題名大二寸許筆痕宛然未有毀落卽此知其境之幽異矣

千佛洞

在懸谷寺側中皆石刻佛像

桃花洞

在陽洛山多元人游題之跡

三清洞

在陽洛山

李玉溪故里

今無考

吳維圻李玉溪故里詩曰指點迷離古道旁逢人先問讀書堂恩牛怨李空留恨咏翠吟紅總斷腸

謝景修宅

在城內即聖水觀址

張吉宅

宋龍圖閣直學士張吉初游學數年不歸家人欲嫁其妻妻李守節而死因建節婦坊宅即在坊側

許文正公別墅

在城北十五里景賢村村有文正公祀田二十八畝許氏

河內縣志

古蹟志
卷十八

十

子孫世守之

何文定公別墅

在城南四里南上村

肅上人禪房

在沐澗山唐時僧肅然所建也其址今已廢矣

小洞庭

唐王太守晏小洞庭碑見中州金石考或即今之小南海

天鷲池

即潮音寺池也寺植池中跨以虹橋芙蓉萬柄爭發於梵音之中不隔市廛而翬塵自遠提琴命侶開樽延月庶可浣其凡襟矣俗名小南海

清化祝融觀後荷亭

祝融觀後舊有潦池十餘畝通判李公壁植荷其中暑辰

花發香颺芬郁開觀之右面花啟軒可以延憇水北復建

小窠數椽尤為怡爽冠蓋邑士遊賞殆無虛日矣吳江吳有清化

祝融觀觀荷記曰道光三年八月二十五日余以散病借

彥聞之清化鎮訪鎮佛寺北朝造為為陷入碑龕不得其

刻記為之憮然過青蓮寺觀儀鳳三年造為為鄉人祈雨

攜去復不得見乃遊於祝融之觀有亭有謝綠以上岡竹

樹蒙出綠陰脩然清渠一道自遠而至不知其源至亭前

漚為深池廣可二畝植荷其中摘那瘁密瑟瑟動人彥聞

口方子之未至也蘭皋宗伯嘗宴客於此斥邱劉松嵐觀

察為五言詩一章余亦和焉是清化最勝處也因坐鏡湖

久之一望無際清光宵渺想三伏勝時處涼臺有鬱蒸之

煩居寒室有凄清之感惟對此花可以忘暑况菡萏萬個

新荷擢露清風時來香氣振發充越庭戶二三君子將必

有乘雲御風洎掃無極之致既而殺核維旅酒醴維吉三

爵既升清談仁鬪情往興來獻詞互荅揮翰如雲飛觴若

月僊僊乎不知曜靈之將西而宗伯英偉絕特鳳觀虎觀

河內縣志

古蹟志 卷十八

七

有霖雨蒼生之樂觀察理輪歸田教授河朔有終焉之志
彥聞篤實果銳憤發其所欲為情未遇時耳其氣量相等
其樂又可知矣時余乃觸口內邁涉大河凌沁水經廣武
一千五百餘里欲求一息之蔭亦不可得安知此間之
樂哉及過清化兒童笑語若謠若諺以為菡萏花開有仙
靈遊讌於此觀於詩而信然因追記其事以志余之不遭
也

伏羲殿

在紫金壇上寶可權紫金壇謁伏羲殿詩曰縹緲羨皇殿

于山動靈風萬壑幽塵翬此地隔遙想北颺秋

寺觀

大雲寺

在縣城內東南隅今名天寧寺本隋文帝所置名長壽寺

武后改名大雲寺有大足元年碑後有塔係金大定中

年重建又郡志引明郡志稱天寧寺元泰定元年創明洪武十年重修按此係唐以前舊刹云元泰定創者悞也或彼時始改名爲天寧耳

與龍寺

在縣城內西北俗名高臺寺卽元仁宗潛邸延祐二年建明永樂十二年修郡志云抱山集高臺寺觀碑詩云懷寧入繼嗣成宗懿旨傳來出禁宮碑記撰文趙學士寺成皇慶二年中寺本懷寧王故宮王入繼大統是爲武宗奉太后懿旨改宮爲寺仁宗皇慶二年始成耳謂仁宗潛邸誤延祐年亦誤今攷元史武宗封懷寧王而當在按台山未至懷慶成宗不豫政出中宮忌仁宗母子斥出居懷又趙

河內縣志

古蹟志
卷十八

三

碑云皇慶二年內旨若曰維茲懷孟子寡躬暨今天子昔嘗臨幸旣而入正紀綱登大位恭稽祖宗故事卽行殿作大阿蘭若越二年寺成是寺之爲仁宗潛邸及建成于延祐二年皆確鑿無疑郡志之所糾正者皆非也

義臺寺

在縣城內東北元泰定間建明洪武十七年修

國朝乾隆三十四年知府康基田改爲覃懷書院

延慶寺

在縣西柏香鎮元延祐四年建明洪武十一年修

吉祥寺

在縣東北元至元六年創蕭瑞苞人日集吉祥寺詩曰一
時邀上客相執到諸天旭日

鑿路春風井電煙鳥鳴金像側人醉
石幢邊薄暮勞歌起邨邨似管絃

龍門寺

在方山之西

龍岡寺

在縣西北三里明萬歷十八年慈聖皇太后欽頒藏經佛

像勅封供具

李樓過龍岡寺詩曰河流歲歲費隄工偏愧

高風茶樹小盤浮新碧花亞疎林露淺紅幾向莊嚴發微願追呼無擾簿書空

洪道寺

在縣南郭元天歷元年建明洪武五年修

大道寺

在縣北郭水關元皇慶二年建明洪武五年修王鐸大道寺詩曰

河內縣志

古蹟志 卷十八

三

日炎無已院中拂麴塵往來僧漸老兵火月仍新風逆沉漁鼓杉稀顯鶴身將眠鐘又叩空額語何人

興教寺

在清化鎮舊志以為元至元間建按此寺前有魏人造象

見武虛谷金石錄今雖不獲斯碑然知其為古刹也

明張昇宿

興教寺詩曰迢迢清化善生涯種補殷勤若藝麻野寺有僧三四輩村原無恙五千家路通車馬晴猶濕人滿閭閻

夜亦譁况復太行山色近朝暉瑞氣結晴霞

青蓮寺

在清化鎮城內中有唐儀鳳年李万通造象一石聞此寺

舊址甚廣今皆為民居矣

寶光寺

在縣東北四十里明月山金大定二十一年賜名大明

院元時改為寶光寺明永樂三年修今一名月山寺

朝乾隆十五年

御賜匾額三對聯一觀音閣額曰

慈意雲垂毘盧殿額曰

六通圓滿水陸殿額曰

無盡光明佛殿對曰

功德水周環金容印月吉祥雲縹緲寶界凝香陳忠靖月山寺詩曰山列

幢幪况奉禱覽畫圖大河蒼野外少室白雲隔樹樹春風
亂田田新麥枯登臨無限意明月照銀鑪鄂公容安月
山寶光寺詩並序曰戊辰冬月至懷慶偶訪月山寶光寺
目有所見意有所觸因即境成咏昔翟天師曰可隨我指
觀之見月中瓊樓金闕滿焉余使節所歷行蹤無住時於
無相中得直實相然究亦何處著得色相耶覽余詩者應
作如是觀行蹤無住楚尋幽問訊空山古刹留未敢全拋
身內事且圖稍遣客中愁清泉出谷不知凍紅葉滿林真

河內縣志

古蹟志 卷十八

古

是秋仰止多情頻策馬白雲堆處登高樓兩行山夾萬株
松石磴盤空過幾重近寺招邀來衲子隔雲迢遞起疎鐘
阿誰貝葉成新偈何處蓮花問舊蹤慙愧有門尋進步諸
天拍手笑相逢蒼巖劈破自何年攬勝人來尺五天白月
有情依北閣清風無意下西偏梅開香引蒼公洞水落聲
傳課室泉更上雲臺最高處收將河嶽入詩篇石洞誰
酒一壺道情禪味兩模糊丹砂事業輸兒女白雪心期是
丈夫試看寒松逢歲暮幾會丹桂有榮枯於今莫更分門
戶祇合相從覓故吾麒麟山接鳳凰臺獨立蒼茫望眼開
我自隨緣忘去住人誰到此賦歸來峯頭遠憶嵩雲渺澗
底清分晉水迴何日寄包禪榻畔檀林香月好徘徊禪情
詩思兩何憑小住香臺最上層別院清風雲作縷空山
口水無冰漫成修竹林中客閣對梅花樹下僧忽憶西風
鐘磬裏欲銷離恨竟誰能康儀鈞月山寺詩曰石徑旋
螺上琳宮拔地開到門峯勢轉別澗水聲回樹色團空遠
河流撼岳來何常謝塵土跌坐遠公臺又登刀山大觀閣
詩曰歌山浪湧勢東瀉到此崢嶸勒駿馬高閣翠兀跨蒼
天雲峯羅列出腋下支撐磴道接混濛精神愴恍虛無中
冷冷御空那得住豁達萬里吞長風俯視人烟紛瑣碎平
峴嵩少擊羅髮麥苗水養綿綿綠竹苑霜束森森翠更向
平疇極香冥烟霧紫茫但一氣坐來忽聞波濤聲樹杪林
樹一片明誰挽九曲崑崙水却繞危欄潏潏清人生自非

上巖豈此焉能心顏開黃鵠高飛何處宿雁聲遠自故
鄉來回首岩岫皆北向我獨胡為南山垂不知此中可有
更高處千里迢迢送目去并用
近在白雲間汾水晉山從可數

九峰寺

在縣東北九峰山陽元至正間建 國朝康熙五年修
容安重過清化訪九峰寺詩曰再經竹塢郡更問九峰禪
地在無塵境人來不住天舉頭山是月到眼樹兼泉且欲
尋詩句東橋思渺然問鐘不見寺寺在竹林間風雪初開
霽煙霞深閉闔逢源參淨妙有路許追攀此意誰應會山
僧只破顏新晴尋舊路忽到此巖阿小逕雪泥滑四圍雲
樹和地偏憐畫靜山近覺寒多一滴能消渴茶煙出碧蘿
羽邨渺何處香界竹為屏流水門前碧高山屋後青人誰
來問法鳥已慣聽經試看林巒外浮雲不暫停精藍接山
麓清碧出深房小住憐瀟灑長途記渺茫何時梅子熟相
憶木樨黃他日重尋處題詩應滿廊出寺尋歸路橫橋帶
夕暉東西村不斷高下水平分殘雪白鋪地修篁青入雲
獨來名勝地回首惜離羣

白馬寺

河內縣志

古蹟志 卷十八

五

在郡東北創建無考寺有後漢軋祐三年經幢蓋亦唐時

舊刹也寺前有湖相傳即水經注所謂白馬湖蕭瑞苞白馬寺詩曰
古寺紆懷久香臺寓目初荷翻九夏盡水泛六朝餘廢殿
巢啼鳥殘經走蠹魚進僧談往事池畔屢欹欵

水峪寺

在縣北三十里太行山麓明永樂間修王鏗水峪寺詩曰
有閒情雪氣風前寂雲陰樹裏行觀禽非一色聽水自殊
聲酷似鷺湖處蕭然遠意生 周繼芳詩曰白雲何處急
山寺曉烟浮日正千峰午天清四壁秋林閒鳥晝宿禪定
鹿群遊前嶺通車馮東西役不休

雲陽寺

在縣西北四十里雲陽山

臨川寺

在縣西北四十里臨川山內有宋宣和三年趙郡李世美

碑王鐸臨川寺山意曰市朝安忍問山寺遂遊遊自許青豆何如對綠疇夜來龜殼榻寒至鹿毛裘白首青巖客吹簫不外求

鎮海寺

在縣北郭沁堤南創建無考明萬歷十三年修 國朝康熙

十六年水傾懷慶府知府楊廷耀修乾隆二十六年又

圮打水僧賢然募修范桂園鎮海寺詩曰水寺西堤口門前漲白沙荒鐘人城郭素壁寫龍蛇

清隔遙村暗橋依翠柳斜行人務徵逐不到法王家

仁孝寺

在縣東郭元皇慶五年建明萬歷間修 國朝康熙己未

僧鎮華募重修方華齋仁孝寺詩曰散步出郊坰蕭疎舍

少林深口易腹邇來心緒淺極目轉惺惺

河內縣志

古蹟志 卷十八

夫

潮音寺

相傳為明鄭王邸景賢書院遺址

勝果禪院

在縣北沐澗山即沐澗寺也唐貞觀中命鄂公建正德八

年寺僧淨瑾修峻嶒千仞忽得坦壤置此琳宇傑棟高峙

群巒俯眺洵為幽勝中有後周及宋金八石幢張紳沐澗寺詩

曰訪水先鳴玉冷然到上方蓮峯相競突虬影復能蒼

開化寺

在紫陵鎮創修於北齊武平二年有武平石碣舊刻及宋

八石幢外石門上有金大定二十八年刻字亦古蘭若也

懸谷寺

在沐澗山靜應廟西南崖高百仞崦如覆盂廟在崖下
若化工寺西南有石砦上有泉蜿蜒而下流人寺內達
花木其中奇葩名栴怪石絕巖鳥語猿吟風來雨至殆
有天地矣考岩壁上有隋時殘隸書知此寺即古太平寺
也又有晉天福三年磨崖石刻金剛經成王臣懸谷寺詩
口偶來懸谷寺痛
飲白雲邊犬吠鶴猿窟僧耕虎豹田巖深失驟雨峯簇小
諸天身世兵戈後山居即大還范桂園真谷寺詩曰愛
茲山徑僻屏障列周遭石乳垂秋蘼嵐烟濕敞袍樓歇陰
帶雪泉細靜開濤下界鐘魚響遲歸月上高又有上真谷
寺詩目久居成情骨好山頻入夢東風吹出門一踏西岩
洞矧有高年翁性喜結吟弄人生必有才達者妙於用機
溪漲晚烟柳橋破餘凍遙指峯頭雲待余創春甕方華
齋真谷寺詩曰峭壁瞰晴空青蒼隱梵宮危巖衝仄磴飛
閣挂高楓伏徑芳泉細撐崖老
樹雄偶來同小憩談笑對東風

楊磨寺

河內縣志

古蹟志
卷十八

七

金城寺

雍城寺

恒安寺

苟塚寺

樂善寺

普泰寺

朱營寺

營金寺

以上見北魏義橋石象記址皆不可考矣

寧照寺

見中州金石考有寧照寺鐘銘

興龍寺

在王范村寺外植唐開元石幢制作宏
知今止存數楹耳

寺之大可

龍興寺

唐利見唐時僧肅然造象記

佛母廟

在金城鎮有宋經幢可證

延慶化城寺

在縣西有後唐刻唐裴休詩碣

梵王宮

在武德鎮南

河內縣志

古蹟志
卷十八

六

永福院彌勒閣

宋時建

清風菴

在明月山金時建

法濟禪院

有金時鐘銘

壽聖寺

在雲陽山有元碑

釋迦禪院

在南岳村俗名妙姑寺元刹也

觀音院

城內元人建

馬坡寺

今無考 王鐸題馬坡寺詩曰村歌遠岸分西去歷斜曛鐘
借遠幽寺牛羊上古塹羈人猶帶箭野碓更春雲
向暮鐘聲動
蒼然若有聞

靈山廟

在城東北三十五里靈山

白果寺

在龍門山

甘泉寺

在甘泉山

雲合菴

河內縣志

古蹟志
卷十八

九

修真菴

在韓屋村一在西烏村

靜應廟

在沐澗山祀晉魏夫人自唐垂拱碑即云建立之始年代
莫詳當在晉魏間矣神應勝饗澤及群生而尊嚴崇奉亦
殊常祀廟廷爽塏象設華竦前則隆闕峻美後則穹閣幽
邃古木森秀碑碣林立加以山之環拱者皆翠峯萬狀洵
勝宇也殿後有竒經矗立宛若瑤筍土人名曰飛來石高
三丈方四丈許後如刀平削遂分爲二至蹶仍合其上有
魏夫人粧閣

紫虛元君廟

柏香鎮楊思益出已貲創建真廟地五畝焚修地二十畝
工未竣而死其子厚生承遺命復立兩廊及亭立碑記之
又席一所在紫陵村北十里又席一所在雲陽山

三觀廟

在紫陵村西南元至元年創建

神清觀

在紫陵村西元至正五年重修

東岳廟

在紫陵村東南有明何文定公撰碑寺內有唐范氏墓誌

一石 紫陵村又有社稷壇后土祠想係唐建縣時之遺

址也壇上有石刻乃金泰和六年所立

河內縣志

古蹟志 卷十八

三

二仙廟

在窑頭村

十方院

在清化鎮西門外明天啟七年建 國朝順治六年修寺

有檀香佛像 蕭瑞苞宿十方院詩曰戰氛從此息暫作葛
天民門鎖千峯月風傳萬樹春鶴巢松下靜

草長雪中新不識陽
臺路逢人數問津

玉虛觀

在縣城西南沙岡村相傳創自漢特明嘉靖二十四年鄭

藩樂安郡主重修

翠筠觀

在郡東萬北村元至元初建四年因水圯至正十七年

建 國朝乾隆元年修

天真觀

在縣城內西南元至元六年建明永樂中修

玉清宮

在縣城內西街明宣德五年建成化元年修

聖水觀

在縣城內東南唐代建係謝景修故宅明正德間重修

有崇禎八年碑記景修事其畧曰謝景元景修兄弟開闢
脂舖家舊奉真武神像兄好博以博敗怒神不佑之毀裂
像身投之井內其時景修在長安夜夢披髮人向訴創痛
恍惚問但見黑木數段既覺疑是神靈景元素極誠奉即
星夜馳歸始知果應而兄已遍身患瘡號呵求死遂從井
中汲取殘木重復修完而所汲之水乃有異香景修飲之
遂雲霧環擁俄而上昇舉手揖讓鄉里而去懷州刺史馬
荀聞于朝準勅以其宅為聖水觀別置宅處其家人焉

河內縣志

古蹟志

三

殿中尚有古井土
人云可以療疾也

太古觀

在縣東王濮村元大德初建明洪武間修

崇寧宮

在縣東北郭沁河南岸康熙三十年懷慶府知府劉維世

建

萬壽觀

在金傘山

護國顯應王廟

在清化金天會七年有重修碑記

萬壽觀

在金傘山卽劉自然菴

五祖堂

在七房村金時建

先天觀

見寰宇訪碑錄有元鐘銘今不可考

清和觀

在塢頭村女冠李守元之所建也

昭惠靈顯真君廟

在清化鎮元延祐四年修

聚仙觀

在宋寨村觀中有元碑一石

河內縣志

古蹟志
卷十八

三

真澤廟

在趙寨村西有元延祐碑

嶽雲觀

在南魯村

圓通觀

在南魯村

長春觀

在柏香鎮

桐真觀

在北董村

坐墓

郭巨墓

在府城北沁水北岸府志云巨本林慮人漢時林慮屬河內郡故孝子傳稱河內人遂援引入河內縣也今林縣西北有郭巨墓通志反遺彼而存此矣考劉向孝子傳以郭巨為河內溫人溫與野王壤接或即葬於河內未可知也

丁蘭墓

舊志失載墓所

魏管輅墓

舊志云在城東北管公明本平原人終於少府官舍其葬所則無可攷此墓亦未有確據今姑存之

北魏王慧龍墓

河內縣志

古蹟志
卷十八

三

魏書曰王慧龍拜寧南將軍虎牢鎮將未至鎮將歿謂功曹鄭曄曰身歿後乞葬河內州縣之東鄉依古墓而不墳足藏髮齒而已時制南人入國者皆葬桑乾曄等申遺意詔許之吏人及將士共於墓所起佛寺圖慧龍及僧彬象讚之按慧龍墓當在今之武德鎮東然不可攷矣

唐李旣濟墓

李商隱之高祖也商隱請盧尚書撰曾祖妣誌文狀云曾祖安陽君祔葬於懷州雍店之東原先大夫故美原令之左次美原諱某字旣濟其墓長樂賈至為之銘

李叔恒墓

商隱之曾祖即所謂安陽君也舊唐書云叔恒年十九

進士第位終安陽令義山文集作叔洪


李商隱墓

考商隱請盧尚書撰曾祖妣誌文狀云夫人既孀教子邢州君以經業得祿寓居於滎陽不幸邢州君亦以疾早世夫人撫視諸孫家惟屢空不克以邢州歸祔故卜葬於滎陽壇山之原卜俾自我為祖百世不遷又請撰仲姊誌文狀云以潞寇憑陵擾我河內將以明年正月日歸我祖考之次滎陽之壇山據此則商隱自其祖邢州君以下皆葬滎陽河內不應有商隱墓舊志云在城東者非也

梁慎初墓

穆貞墓銘畧曰梁慎初字智周官冠軍大將軍移疾請官

河內縣志

古蹟志 卷十八

三

寢疾于河內葬於私館命其子葬于太行之陽

劉夫人墓

夫人劉氏適衛君某祔葬於河內郡城西北二里弼諧鄉故墓有墓誌見金石志

范夫人墓

在紫陵村外有墓誌見金石志

宋許袞墓

范仲淹墓銘叙云公諱袞景德二年四月終於京以某年月日歸葬於懷之河內縣某鄉某里

龍圖閣直學士張耒墓

在三旺庄

史邦直墓

元遺山文集云邦直諱元葬河內王封村之東南

元許文正公墓

在城東北六十里李封村歐陽元撰神道碑

許文穆公墓

在李封村

溫國公珊竹咬佳墓

在城西十五里北孔村有神道碑係劉敏中撰今猶植墓

上

李潤墓

府志云河內志失載墓所

河內縣志

古蹟志
卷十八

三

明鄭靖王墓

鄭康王墓

鄭懿王墓

鄭敬王墓

鄭恭王墓

俱在紅嶺山

鄭簡王墓

在藥仙山

鄭僖王墓

在金傘山

端清世子墓

在九峰山墓碑刻而未立於墓上今猶在九峰山道碑文

曰天啟甲子余父宗侯錫欽渡河詣余曰先世子之殿木
第封少子鄭靖王於陝西鳳翔後遷河內生簡王僖王信
王生康王康王無子詳親支第二子早歿議第三子盟津
王承襲庶母張夫人怨於王誣奏魘事褫爵憲宗皇帝廉
乃究下劫用誠孝宗皇帝頒聖書引和疏八上求仍盟津
僖王庶第四弟由端惠王薨權以其庶四弟子祐擇封爵
茲曰懿王生崇王溫津遺孤祐禧疏奏考究世宗皇帝心
測予之爵祐禧子厚緯厚緯子載璽貧布衣矣恭王生世
子卽所謂端清公世子諱載璽字伯勤母妃高氏生公二
年高氏薨又一年巳亥世宗口前嘉名世子方少性哲卽
喜連訥保母張口授于文問推位讓國曰今將誰能張曰
此古人事公曰爾亦奚駭我且易焉張惶懼急掩其口曰
事重鉅勿輕言然竊口之矣塾事紀善劉潤時難師師數
引避性不喜輕詆踏踏温濟弗懈恭王則憐又五年吟詩
恭王曰鞠子學詩耶命咏長至日丙午皇帝曰鄭藩有子
歡而無郵翰林學士高拱汝其將朕節是以爲鄭世子於
是讜朗英盼於榮利若弗聞瞻東軒一席誦盤詰山藏諸

河內縣志

古蹟志 卷十八

美

書史而恭王尋有鳳陽之黜初恭王建言有奸利讒公閣
太妃守公宮公突卅宗人思赴於帝告公代勅下廬江榮
繆王攝府事公鍵闕益肆力於玉策鴻寶年十八議婚公
曰否也吾日懼淵隕敢知曰余家室或以小隙誣奏命免
冠習禮公不爲動時與闕西名僧松谷者闡於內典忽一
日曰吾年巳壯屢受爲何昌死自父無回可乎會世宗崩
璽宗立詔庸建言疏上病陳進言匪躬耐募之義十世斯
宥復爵還繼母繼如王氏薨服闋欽依筮婚公乃從之御
輪於何文定公瑋之孫女則公年三十五也又九年祖母
鄭懿王妃閻氏薨恭王兼孝含奠塋周四隅結蟻公左右
之循制焉其仲弟之姪悼而孤公有之代償金千餘公之
語人曰劉德居腆振餒不然昔之天族不地下笑人哉困
米數百粥於不能粥幾萬指恭王薨終厥喪歲癸巳年逾
艾且八矣當嗣爵公躊躇曰祖以若木分枝以旁入繼數
微有未眷鮒射由非谷而我何耽耽爲雖無咎吝焉往矧
有盟津恭懿之曾孫載璽在季札子滅彼何人斯我且易
焉沮者曰至公不可疏請讓國載璽承正系也神宗下禮
部部難之因條議宗藩開科賸倫頗見褒納則又怏怏於
讓弗諾也乃髦遜於泔水成室水許與二三田畷灌桑牧
豕隱居東復卜園鑿灌理花竹客至命酒徑酬與僉事那
雲路譚星歷慨古樂失傳折衷音律教習雅頌文武舞無
幾讓疏至於七畧曰立嗣以嫡立庶以長盟津庶且長辭

順弗從曰不詳祖懿王封時盟津在尚為庶人父恭王
封彼雖已故猶未復爵今既復爵後裔賢敢汨陳大倫
越於下不敢遜溲也則丕不光于前人今年薄七十幽
抱病寧窳匿歲久終期不負此心而已皇帝曰宗伯汝
我宗老顯德行毋廢朕志禮部尚書李廷機曰名利人攸
重辭人攸維民之相惡一豆肉犯惡不與切曰千乘之國
日廢年歷多則襲三世罔有弗誠世子踵徽於古惟允祖
宗德維厥高尚用遂哉王既立罔有屈於世子世孫以侮
者成人皇帝曰俞丙午拔六口盟津恭懿王曾孫載鑾進
鄭王爾皇帝念之遣禮部主事潘士達獎世子曾孫鑾讓
國高風乃坊勅曰世子載堉爾克義是循罔進王爵克振
綱常朕心汝康汝嘉汝爵原爵口祿歲十百有司羊一酒
一為諸藩式爾蓋不令譽當是時天下無不知鄭有世子
能讓國云覃懷民欲尸祝公怪而拒之曰我豈以赤社土
招聞也者為我謝鄉人驚吾志矣合仲子翔欽試入泮公
慧心絕人儉恬淑均以獲生為榮視不義若猛火宋真嘗
賦蕭蕭塵世之外所著詩學新說先天圖正誤律呂正論
瑟銘解疏毛詩韻府禮記類編金剛心經註算經極極詳
考獻樂律全書二十卷神廟可之歲辛亥四月哉明後口
子姪請曰勿殺生距既魂止九日乃薨年七十有六神廟
間計輟朝大簡諡之曰端清世子合有司治喪某年某月
日葬九峰山之原余野古史泰伯夷齊後季札子臧閱數

河內縣志

古蹟志 卷十八

三

千載四人已若口戲伯口重耳蒯輒輩人固無良其學問
識力則先痺謫矣使世子終奉鄭藩血食其邱德承輝豈
出傳易口沛王楚王下蓋義高心潭峻轢千古其僕僕嗜
口一切渺視國土珮玉直作保蟲一小小觀耳於耽虛好
靜之趣寂不動也使知國讓斯名傳斯則世子必意遷意
遷則滯則豈能口三年口於口哉口國有盡名無盡萬世
後稱願口曰明世子若口較王祚疇為短長又不待智者
辨已世子如何氏先薨繼王氏子長羽錫何氏出授封鄭
世子娶某氏子次翔欽授某職娶某氏女適廩生口克口
俱王氏出孫若干能詩禮裝不落厥聞路曰口攘竭竭民
口不註求彼肥遯叱熟於罔有美世子耳滋曰觀孝師虎
雌既拯用和支子不奈在廟嘗犧世子曰否數倫斯願亦
訶公之禮國譬彼蝸口逼迫齊物言美且磨龍悔則違古
施則多我籠世子電雷無那輩草為志縱適滄波宅冢產
光格鬼精蛸著書用滅人宗巖巖地下墨胎以遠以過海
殫斯枯石泐斯磨稽
首頌風如壽萬何

王徽墓

在城北郭

孝子王履墓

在城北十里店即廬墓生芝處

按察司副使吳道寧墓

舊志失載何塘為撰墓誌

按察司副使郝綰墓

葬於義溝村後遷葬於城東關何塘為撰墓誌

何文定公墓

在城南郭馬理撰神道碑口予讀孟子書見有所謂大文
洵無愧焉柏齋姓何氏諱瑋字粹夫號虛舟一號柏齋世
隄天兵北定中原遂編懷慶衛籍屯田武陟千秋鄉之頭
舖營子孫家焉後乃居郡城忠一生貴貴生濱濱生封君
森質而不華配劉淑人成化甲午十月二十九日先生生
於營中七歲入郡城見家有彌勒佛像惡使去之十歲讀

河內縣志

古蹟志 卷十八

天

書通大青即有宏道之志宏治戊申入河內縣學通諸經
史郡守王瓚服其文行字而不名有祝少參者延為塾師
先生視其子弟驥恂不終日而返幸酉中河南鄉舉第一
明年會試聯第選入翰林為庶吉士諸吉士視先生作正
以為是非內閣劉晦菴公聞所學深醇屢詔之論學不往
甲子授翰林編修劉公於公所見之謂日向避嫌相遠今
選授定矣時過商論性與天道何如先生始一往時名公
臺士專務詞章先生獨終日窮理講求治道而已閒有鳴
即許謨攸寓丁卯見史職廢失奏請修舉不報是年與修
孝宗實錄所作傳文一時推直筆焉已陞修撰奉旨教
諸中官日以僕臣正道誨之諸中官咸信服曰為伊川先
生時中官逆瑾竊政擅生殺朝士備懼或屈膝其庭先生
接以長揖璋怒使校尉日求其過於門知先生微行無弗
可語人者雖童僕不成以孚乃易怒為悅欲重用之先生
即乞休以歸庚午瑾誅奉命復前職人曰而今廢無事矣
先生曰內戎之後必有外戎當路宜有以備之可也幸未
果盜起幾攻陷城池海內大擾勒求平賊之畧先生以三
事聞一曰禁貪墨以肅吏治二曰嚴紀律以振兵威三曰
治財用以固邦本不報復有本兵論五篇以投內閣亦未
采予申復上書以孟子謂帳蓋之意語之先生行既峻潔
言多法語故一時朝士畏而敬之皆問政問學道亦光矣
然小畜之盛則幾望之咎至焉矣西經筵當講尚書先生

...設蔡傳未及之旨未寓諷諫閣臣見而未安乃命
改之不可比進講言出中孚上為改容數口旨出乃外補
開州同知去之任值編徭先生歷稽其事產為九均法南
民平已而治河先生分程治之工省而役先休焉乙亥陞
東昌府同知清戎使伍實而不誣御史善其政行諸郡俾
取法焉久之拘於職守道不可行則再疏乞歸既歸舍於
南郵茅廬不入城市廬陋甚先生蔬食水飲其中泰然
紳有訪者即鄉服以見不拜其門有求同及播力人來則
避而不見故士夫以得見為榮有乞言者則示以道而不
譽於時四方之學者雲集其門先生因才造就而教不遠
人助東南學者因象山慈湖之學入於其門先生以
為邪說橫行充塞仁義力拒而闢之辛巳春封君卒未幾
武宗崩先生連執大喪哀毀骨立上嗣位起為山西提學
副使先生伏次連瀕而已癸未服闋改浙江提學副使時
游士多不習經史務擬科場文字以圖進取先生下教期
經史通者與應科否則不與士習不變甲申陞南京太常
寺少卿丙戌署南京翰林院學士事杏東郭學士代至以
前直堂隸銀餽之先生笑曰當時已得太常直堂隸銀矣
復左右望耶杏東知不可強乃用算公署勒石誌焉丁亥
夏陞本寺卿秋陞南京工部右侍郎即擢行尚書事議修戰
船巡船具尋底績而獎革議革內官諸監機戶及一切工
匠冗食停減諸不急工作議處織造絲科及停止修理南

河內縣志

古蹟志 卷十八

无

京會試館疏入報可歲省數萬金戊子改北京工部至京
改戶部與尚書儉菴梁公同心輔政而建議草奏多出自
先生先生嘗曰興利則弊生除害則弊息故論財止言其
害不及生之制焉御馬監有租銀委歸戶部徵收於是民
間重徵之害始息未幾改禮部右侍郎以直道與當路不
合即引疾乞歸疏再上蒙俞允陞辭出京御史毛鳳詔薦
稱風節足以勵貪激懦宜留用遂改命在京調理時舟行
再乞休致尋陞右都御史掌南京都察院事至家復上疏
陳乞會欽雅致仕乃已先生家居十五年不通要地人書
書至亦不答惟與四方林下同志及門人問答講學而已
臺諫相繼論薦者累數十人戊戌太淑人李先先生有足
疾至是初跌執喪益不可愈後連哭執友感疾彌篤癸卯
秋夜有大星西隕流光照城中如晝越三日卒是為嘉靖
二十二年九月三十日也計甲午至是享年七十歲矣四
方人聞訃皆謂天喪哲人世道不幸多為位哭者配周氏
子男二光祖顯宗孫男四曰謏論諷謀閔計上悼惜遣官
營葬諭祭者二際其孫謏為太學生先生官至三品而家
如寒素內無媵妾外無僮御雅好躬行不輕著述今遺書
有陰陽樂律儒學醫學管見均稱灼燿二論家譜家訓二
篇治河私論一篇兵論七篇皆濟物救時之文非苟作也
門人雙樞曰孟子云富貴不能淫貧賤不能移威武不能
屈此之謂大丈夫先生豈其人歟予讀孔子言曰河

道未可與立可與立未可與權若先生見之明而任之
行之篤而守之固真卓然自立可與權者彼世之富貴
賤威武焉得而淫之侈之屈之哉非大丈夫而何樞亦
謂知師非向好者矣歲乙巳二子葬先生於城南新塋之
祖位理無似先生謾與同志故於佳城神道之石著其事
而繫以銘銘曰覃懷之城魯齋稱賢達我聖朝神道出焉
其山何如矯矯其勇友親程朱師宗周孔厥宗伊何信道
不惑山或可移吾行不忒行潔無瑕言出可識探厥心迹
表裏不二官有通塞道無不亨舍則見義用乃利行富貴
不淫貧賤不移孟曰丈夫舍子其誰郡城之南建此元堂
鄉其肇祀
大河與長

山西兵備劉涇墓

舊志失載墓所 陰秉賜撰墓銘曰公占高科行山大河種
際昇平臺踰建明郡有仁聲歸築山房與道翱翔歟後孔
良勿謂讒言漢誼楚原狼跋鴟喧勿謂數育孔素顏悲自
古如斯立德立功立
言允中茲銘不窮

右通政何永慶墓

河內縣志 古蹟志 卷十八

在東關火神廟側

山西布政使王所用墓

舊志失載墓所 張慎言撰墓銘曰漢之孝友求長者如不
無刻繳自少至老貧賤富貴守如一日謂公醇愿曲謹而
烹解理絲民以寧謐謂公用柔處晦而剛正不阿惟惡是
疾去民之賊昔人曰賢
者殆不可測是耶非耶

禮部郎中楊之璋墓

在東門外

趙烈女墓

在城北二十里

國朝孝子蕭永嗣墓

舊志失載喬騰鳳表其墓

蕭家墳墓

在二十里舖東東直村之西墓前有碑

南郭鎮總兵劉國鼎墓

國興卒于康熙四十四年

御賜祭葬其墓在明月山麓

義鹿塚

在城南門外明萬歷間河內令侯加采有惠政及物臨行
麋鹿銜衣不食水草喙叫而死邑民立碑道旁以紀其事

河內縣志

古蹟志
卷十八